

mitur. Item idem. Negligere quippe cum possis A perversos, nihil est aliud quam fo-  
vere.

Augustinus: Quisquis metu eujsllhet potestatis veritatem occultat, iram Dei super se provocat, quia magis timet hominem quam Deum.

Ambrosius: Consentire est, non solum scienter mala fieri permittere, sed etiam malefacta non perseguiri.

Gregorius: Qui non corrigit resecanda, committit. Item in Moralibus: Plerumque quieti atque inconcussi relinquimur, si obviare pravis pro justitia non curamus. Sed si ad æternæ vitæ desiderium animus exarsit, si verum lumen jam intrinsecus respicit, si in se flamma sancti fervoris accedit, in quantum locis admittit, in quantum causa exigit, debemus pro defensione justitiae nosmetipsos objicere, et perversis ad injusta prouerpentibus etiam cum ab eis non querimus obviare. Nam cum justitiam quam nos amamus in aliis seruant, nos nihilominus sua percusione confodiunt, etiam si venerari videantur.

Et quoniam a quibusdam eorum ignorantia, a quibusdam vero negligentia, ab aliquibus autem su-

perbiæ contumacia delinquitur, optimum est ut pri-  
mum levius mitiusque cum eisdem et cum schismati-  
cisc agatur, et ut pro eis qretur, ne forte, sicut  
ait Apostolus, det illis Deus reprobum sensum,  
ut si resipiscant a laqueis diaboli, a quibus alligati  
tenantur (Rom. 1; II Tim. 11). Quod si rationi non  
acquieverint, Simoniaci pariter et schismatici, ut in-  
curabilia membra ab Ecclesiæ corpore absindantur,  
et ut dictum est, ab exteris potestatibus oppriman-  
tur.

Sciendum est Augustinum de omnibus hæreticis et schismaticis ad quemdam Petrum sic scripsisse: Firmissime tene et nullatenus dubites, omnes hæretici cum et schismaticum quantumvis multas eleemosinas faciat, vel etiam pro Christo sanguinem fundat, B cum diabolo et angelis ejus æterno igni mancipandum, nisi ante finem vite hujus catholice incorpo-  
retur et reintegretur Ecclesiæ.

Hactenus contra eos qui dicunt Dei Ecclesiam et pontificem ejus ordinationem regis potestati subja-  
cere, contraque Simoniacorum sacerdotium et sacri-  
ficium satis dictum. Nunc restat de facultatibus  
Ecclesiæ dicere, quas iidem contendunt sub regi-  
datione manere.

## S. ANSELMI COLLECTANEA.

(Apud CANISIUM, Antiquæ Lectionis, tom. VI, pag. 235.)

### LECTORI.

In manuscripto codice quo usi sumus, subjiciebantur sequentes sententiæ, ab ipso, ut videtur Anselmo, ex variis auctoribus collectæ, quibus demonstrare studet Ecclesiæ facultates non esse in potestate regis aut Cæsar. Quo fit, ut ea quæ sequuntur aut sint altera pars secundi libri; aut totius operis liber tertius. Utrum-  
tamen nihil desideretur, non injuria ambigas.

#### *Albinus in libro secundo super Matthæum.*

Invenit Jesus in templo vendentes boves et oves et columbas et nummularios sedentes; et cum fecisset quasi flagellum de funiculis, omnes ejecit de templo, oves quoque et boves, et nummulariorum effudit æs, ac mensas subvertit (Matth. xxi; Joan. ii). Boves, oves et columbae ad hoc emebantur, ut offerrentur in templo. Nummularii ad hoc sedebarunt ad mensas, ut inter empiores vendidoresque hostiarum prompta esset pecunia taxatio. Videbantur ergo licite vendi in templo, quia ad hoc emebantur ut in eodem templo offerrentur Domino. Sed nolens ipse Dominus aliquid in domo sua terrenæ negotiationis ne ejus quidem quæ honesta putaretur, exhiberi, dis- pulit negotiatores injustos, et foras simul omnes cum his quæ negotiabantur ejecit. Quid ergo, fratres mei, quid putamus faceret Dominus, si rixis dissidentes, si fabulis vacantes, si risu dissolutos, vel alio quolibet scelere reperiret irretitos, qui hostias quæ sibi immolarentur ementes in templo vidi et eliminare festinavit?

C Hæc propter illos diximus, qui ecclesiam ingressi non solum intentionem orandi negligunt, verum etiam ea pro quibus orare debuerant, augent, insuper et arguentes se pro huicmodi stultitia-conviciis odiisque, vel etiam detractationibus insequantur, addentes videlicet peccata peccatis, et quasi funem longissimum sibi incauta eorum augmentatione texentes, nec timentes ex eo districti judicis examinatione damnari. Nam bis quidem in sancto Evangelio legimus quod veniens in templo Dominus huicmodi negotiatores ejecit, primum videlicet, id est, tertio ante passionem suam anno, sicut ex Joannis Evangelista sequentibus scriptis agnoscamus, et ipso quo passus est anno, cum ante quinque dies Paschæ sedens asino Jerosolymam venisset. Sed hoc idem in templo jam sanctæ Ecclesiæ, examine quotidianæ visitationis agere, omnis qui recte sapit, intellegit.

D Unde multum tremenda sunt hæc, dilectissimi, et digno expavescenda timore, sedulaque præcavendum industria, ne veniens improbus, pver-

sum quid in nobis unde merito flagellari ac de ecclesia ejici debeamus, inveniat. Et maxime in illa quæ specialiter domus orationis vocatur, observandum, ne quid ineptum gerainus, ne cum Corinthiis audiamus ab Apostolo : « Nunquid domos non habetis, » ad agenda vel loquenda temporalia, « aut Ecclesiam Dei contemnitis? » (I Cor. ii.) Etiam a propheta cum Iudeis : « Dilectus meus in domo mea fecit scelerata multa (Jer. vi.). »

Et quidem gaudendum est, quia ipsi sumus in baptismo templum Dei facti, testante Apostolo, qui ait : « Templum Dei sanctum est, quod estis vos (I Cor. iii.), » ipsi civitas regis magni de qua dicitur : « Fundamenta ejus in montibus sanctis (Psal. lxxxvi), » id est, fundamenta Ecclesiae in soliditate fidei apostolorum et prophetarum. Sed nimis trepidendum, quia præmisit Apostolus dicens : « Si quis autem templum Dei violaverit, disperdet illum Deus (I Cor. iii). » Et ipse iudex justus : « Disperdam, inquit, de civitate Domini omnes qui operantur iniqutatem (Psal. c). » Gaudete quia in nobis Paschæ solemnitas agitur, cum de virtutis ad virtutes transire satagimus; Pascha quidem *transitus* dicitur. Gaudendum quia Dominus nostra pectora, civitatem videlicet suam inviscere, quia idem Pascha nostræ bonæ actionis præsentia suæ pietatis illustrare dignatur, sed timendum satis ne nos in civitate sua aliud quam ipse diligit agentes inveniat, et ipse se nobis qualem non diligimus districtus redditor ostendat, ne nos in templo nummularios, ne venditores boum, oviu[m], columbarumve reperiens damnet.

Boves quippe doctrinam vitæ cœlestis, oves opera munditiae et pietatis, columbae sancti Spiritus designant, quia nimis boum juvamine solet ager exerceri; ager autem est Domini, cor cœlesti excultum doctrina, et suscipiens verbi Dei præparatum rite sermonibus; oves innocenter sua vellera vestiendis hominibus præstant, Spiritus super Dominum in columbae specie descendit. Vendunt autem boves, qui verbum Evangelii non divino amore, sed terreni quæstus intuitu audientibus impendunt, quales reprehendit Apostolus, quia Christum annuntiarent et non sincere (Philipp. i). Vendunt oves, qui humanæ gratia laudis opera pietatis exercent, de quibus Dominus ait : « Quia receperunt mercedem suam. (Matth. vi). » Vendunt columbas, qui acceptam Spiritus gratiam non gratis (Matth. x), ut præceptum est, sed ad præmium dant, qui impositionem qua Spiritus accipitur, etsi non ad quæstum pecuniae, ad vulgi tamen favorem tribuunt, qui sacros ordines non ad vitæ meritum, sed ad gratiam largiuntur. Nummos mutuo dant in templo qui non simulare cœlestibus sed aperte terrenis rebus in Ecclesia deserviunt, sua querentes, non quæ Jesu Christi (Philipp. ii).

Verum hujusmodi operarios fraudulentos quæ merces manet, ostendit Dominus, cum facto de funiculis flagello, omnes ejicit de templo. Ejiciuntur autem de parte sortis sanctorum, qui inter sanctos

A positi, vel sicut bona, vel aperte faciunt opera mala. Oves quoque et boves ejicit, quia talium vitam pariter et doctrinam ostendit esse reprobam.

Funiculi quibus flagellando impios de templo expulit, incrementa sunt actionum malarum, de quibus materia damnandi reprobos districto judici datur. Illic etenim dicit Isaías : « Væ qui trahitus iniuriam in funiculis vanitatis (Isai. v). » Et in Proverbiis Salomon : « Iniquitates, inquit, suæ capiunt impium, et funibus peccatorum suorum constringitur (Prov. v). » Qui enim peccata peccatis pro quibus acerius damnetur accumulat, quasi funiculos quibus ligetur ac flagelletur paulatim augendo prolongat.

Numulariorum quoque quos expulerat effudit æs, B et mensas subvertit, quia damnatis in fine reprobis etiam ipsarum quas dilexere rerum tollit figuram, justa hoc quod scriptum est, et mundus transiet et concupiscentia ejus (I Joan. ii). »

Et eis qui columbas vendebant dixit : « Auferte ista hinc, nolite facere domum Patris mei domum negotiationis (Joan. ii). » Venditionem columbarum de templo auferre precipit, quia gratia Spiritus gratis accipi, gratis dari debet. Unde Simon ille Magus, qui hanc pecunia emere voluit, ut majore pretio venderet, audivit : « Pecunia tua tecum sit in perditione; non est tibi pars neque sors in seruone hoc (Act. iii). »

Notandum autem quia non soli venditores columbarum sunt, et domum Dei faciunt domum negotiationis, qui sacros ordines largiendo pretium pecuniae vel landis vel etiam honoris inquirunt, verum hi quoque, qui gradum vel gratiam in Ecclesia spiritualem, quam Deo largiente perceperere, non simplici intentione, sed cuiuslibet humanæ causa retributionis exercent, contra illud apostoli Petri : « Qui loquitur quasi sermones Dei, qui ministrat rauquam ex virtute quam administrat Deus. ut in omnibus honorificetur Deus per Jesum Christum (I Petr. iv). » Quicunque ergo tales sunt si nolint veniente Domino de Ecclesia auferri, auferant ista de suis actibus, ne faciant domum Dei domum negotiationis.

*In eodem. — Zelo domus Putris Salvator ejicit impios de templo.*

Zelemus et nos, fratres charissimi, domum Dei, et quantum possumus, ne quid in ea pravum geratur, insistamus. Si viderimus fratrem qui ad domum Dei pertinet, superbia tumidum, si detractionibus assuetum si ebrietati servientem, si luxuria energetum, si iracundia turbidum, si alii cuiquam vitio substratum, studeamus, in quantum facultas suppetit, castigare polluta ac perversa corrigeret, et si quid de talibus emendare nequimus, non sine acerbitate mentis sustinere dolore, et maxime in ipsa domo orationis, ubi corpus Domini consecratur, ubi angelorum præsentia semper adesse non dubitatur, ne quid ineptum fiat, ne quid, quod nostram fratremve orationem impedit, totis viribus agamus.

*In Joannem. — Jesus autem inclinans deorsum dígito scribebat in terra (Joan. viii).*

Per inclinationem Jesu, humilitas, per digitum qui articulorum compositione flexibilis est, subtilitas discretionis exprimitur. Porro per terram, cor humanum, quod vel actionum mortalium vel bonarum solet reddere fructus, ostenditur. Postulatus ergo Dominus judicare de peccatrice, non statim dat judicium, sed prius se inclinans deorsum, dígito scribit in terra, ac sic demum, quam obnixe rogatus, judicat, nos videlicet typice instruens, ut cum quælibet proxinorum errata conspicimus non hæc antea reprehendendo judicemus, quam ad conscientiam nostram humiliiter reversi, dígito eam discretionis solerter exculpamus, et quid in ea Conditoris placeat, quidve displiceat, sedula examinatione dirimamus, juxta illud Apostoli: « Fratres, et si præoccupatus fuerit homo in aliquo delicto, vos qui spiritales estis, instruite hujusmodi in spiritu mansuetudinis, considerans te ipsum ne et tu tenteris (Gal. vi). »

Cum autem perseverarent interrogantes eum, erexit se et dixit eis: « Qui vestrura sine peccato est, primus in illam lapidem mittat (Joan. viii). » Quia hinc et ideo Domino Scribæ et Pharisei tendebant laqueos insidiarum, putantes cum vel immisericordem futurum in judicando vel injustum, prævidens ille dolos, quasi fila transit araneæ, et judicium justitiae per omnia et mansuetudinem pietatis ostendens. Ecce temperantia miserandi: « Qui sine peccato est vestrum, » ecce iterum justia iudicandi, « primus in illam lapidem mittat. » Ac si dixisset: « Si Moyses mandavit vobis mulierem hujusmodi lapidare, videte, quia non hoc peccatores, sed justos facere præcepit. » Primo vos ipsi justitiam legis implete, et sic innocentes manibus et mundo corde ad lapidandum ream concurrete, primo spiritualia legis edicta, sicutem, misericordiam et charitatem percute, et sic ad carnalia iudicanda divertite.

Dato autem iudicio, Dominus iterum se inclinans deorsum in terra scribebat. Et quidem, juxta morem consuetudinis humanæ, potest intelligi, quod ideo Dominus coram tentatoribus improbis inclinari et in terra scribere voluerit ut alio vultum intendens, liberum daret eis exitum, quos sua responsum perculsos citius exituros, quam plura interrogaturos præviderat. Denique audientes, unus post unum exibant, incipientes a senioribus.

Sed figurate nos admonet in eo quod et ante datam et post datam sententiam inclinans scripsit in terra, ut et prius quam peccantem proximum corripiamus, et postquam debitæ castigationis illi ministerium reddiderimus, nos ipsos digna humilitatis investigatione perpendamus, ne forte aut eisdem quæ in ipsis reprehendimus, aut aliis quibuslibet simus facinoribus irretiti, sicut forte fieri potuit ut ipse qui homicidam reum mortis esse judicaverit, ipse in seipso per odium fraterne mortis esse reus ante oculum Conditoris inveniatur. Similiter qui

A fornicationis crimen in fratre accusat, in seipso superbiæ facinus non videat. Ideo jubetur judex alieni criminis dígito discretionis in corde suo describere, ne forte in seipso reus inveniatur. Quid ergo nobis in hujusmodi periculis remedii, quid restat salutis, nisi ut cum peccantem conspicimus alium, mox inclinemur deorsum, id est, quam dejecti ex nostræ conditione fragilitatis simus, si non nos divina pietas sustentet, humiliiter inspiciamus, dígito scribamus in terra, id est, discriminem solerti pensemus, an cum beato Job dicere possimus: « Neque enim reprehendit nos cor nostrum in omni vita nostra? » (Job xvii.)

*Ex decretis Stephani papæ et martyris.*

B Vestimenta ecclesiastica, quibus Dominino ministratur, et sacra debent esse et honesta, quibus in aliis usibus nemo debet fructus, quam ecclesiasticis et Deo dignis officiis, quia nec ab aliis debent contingi aut ferri, nisi a sacralis hominibus; ne ultius que Balthasar percussit, super hæc transgredientibus et talia præsumentibus veniat divina, et corrue eos faciat ad ima. Hæc illis in partibus quibus moraris, et in omnibus, quibus potueris, cunctis nota facito, et observare apostolica mandato auctoritate, quia et nostri nobisque commissi in sede apostolica et universalis Ecclesia omnes hæc observare nunc et futuris temporibus, professi sunt.

*Innocentius papæ episcopis Apuliae.*

Canones apud Nicæam constituti penitentes etiam ab insimis officiis clericorum excludunt.

C *Ex decretis Siricii papæ.*

Illud nos quoque parvum providere, ut, sicut penitentiam agere cuiquam non conceditur clericorum, ita et post penitendum ac reconciliationem nulli unquam laico liceat honorem clericatus adipisci, quia quamvis sint omnium peccatorum contagione mundati, nulla tamen debent gerendorum instrumenta sacramentorum suscipere, qui dudum fuerint vasa vitiorum.

*Ex decretis Leonis papæ primi.*

Nec primum aut secundum aut tertium in Ecclesia gradum quisque laicorum quibuslibet suffragii fultus ascendat, priusquam ad hoc meritum per legitima augmenta perveniat. Quod enim nunc D utcumque patimur esse veniale, inultum postmodum esse non poterit, si quisquam id quod omnino interdicimus usurpare præsumperit, quia remissio peccati non dat licentiam peccandi, neque quod potuit aliqua ratione concedi, fas erit amplius impune committi.

*Ex concilio Toletano XII.*

Si diaconus aut presbyter crimen capitale commiserit, ab officiis honore depositus in monasterium retrudatur, ibique tantummodo, quandiu vixerit, communionem sumat laicam.

*Ex canonibus Sylvestri papæ.*

Nullus lector vel acolytus vasa sancta audeat tangere, et nullus subdiaconus rem jam consecratam a presbytero alii porrigit, quia aliud est minister

aliud assistens, nisi tantum suppōret quod ei sacerdos imponat, suo ore benedictum.

*Ex eisdem.*

Si quis clericatum promereri desiderat, hoc justum est ut sit ostiarius annum unum, lector annos **xx**, exorcista annos **dēcem**; acolythus annos **quinque**, subdiaconus annos **quinque**, diaconus annos **quinque**. Et sic ad honorem presbyterii accedat, et faciens in eo ordine annos **six**, si fuerit omnium votiva gratia, non prāmio, non invasione cupiditatis, nulli prorūpens gradum, sic ab omni Ecclesia eligatur consecrandus episcopus, nullo de membris Ecclesiae interdicente, et omni Ecclesia conveniente: *Et dixerunt episcopi, placet.*

*Innocentius papa de temporibus morandis in clero.*

Ita sane, ut in eis tempora a majoribus constituta serventur, ne cito quilibet lector, cito acolythus, cito diaconus, cito sacerdos fiat, quia in minoribus officiis si diu perdurent, et vita eorum pariter et obsequia comprobantur, ut ad sacerdotium postea emensis stipendiorum meritis veniant, nec præripant quod vita probata meretur.

*Ex decretis Zosimi papæ.*

Hæc autem singulis gradibus, observanda sunt tempora, si ab infantia ecclesiasticis ministeriis nomen dederit, inter lectores usque ad vicesimum ætatis annum continuata observatione perduret, si majorjam et grandævus accesserit, ita tamen ut post baptismum statim se divinæ militiæ desideret mancipari, sive inter lectores sive inter exorcistas quinquennio teneatur, exinde acolythus vel subdiaconus quatuor annis, et sic ad benedictionem diaconatus, si meretur, accedat. In quo ordine **quinque** annis, si inculpate se gesserit, hærere delebit; exinde suffragantibus stipendiis per tot gradus datis propriæ fidei documentis, presbyterii sacerdotium poterit promereri. De quo loco, si eum exactior ad bonos mores vita produxerit, summum pontificatum sperare debebit, hac tamen lege servata, ut neque digamus neque pœnitens ad hos gradus possit admitti, sane cum etiam defensores Ecclesiae, qui ex laicis sunt, supradicta observatione teneantur, si meruerint esse in ordine clericatus.

*Sylvester in synodo confirmante Nicænum concilium, subscriptis sibi CCLXXV episcopis.*

Commoneo autem omnes vestrum consortes unanimiter de redditibus Ecclesiae quatuor partes fieri, quota pars exigatur. Habeat autem ecclesia unam partem ad se relevandam, pontifex unam, et aliam pauperes vel peregrini, presbyteri quartam et diaconi cum residuo clero, omnibus autem ipso pontifice dispensante. Constituo etiam et hunc ordinem, ut si quis de clero vel presbyteris universorum locorum, quod commune est, transierit de hoc mundo, si neminem de sua generositate habeat, consortem quidquid paupertas ejus habeat, conferat ecclesia et partes siant, sicut supra dictum est.

Huic etiam synodo synodus Nicæna vicissim subscripsit, et eam approbavit, teste Leone nono in

A epistola ad Michaelem et Leohem episcopos. Ubi introducens primum caput hujus concilii, ita loquitur de apostolica sede: « Illi uenpe facitis prejudicium de quo nec vobis nec cuilibet mortalium licet facere judicium, beatissimo et apostolico pontifici Sylvestro, divinitus decernente, spiritualiisque ejus filio Constantino religiosissimo Augusto cum universa synodo Nicæna approbante ac subscriptente, ut summa sedes a nomine judicetur. »

*Ex decreto Alexandri papæ.*

Cum sacrorum canonum auctoritas quatuor ex rebus ecclesia jubeat fieri portiones, quarum una pauperibus, altera fabricis ecclesiarum sit impendenda, tertia episcopo, quarta clericis sit conferenda, sicut pauperibus et ecclesiis singulæ partes sunt concedendæ, ita quoque reliquæ partes neque ab episcopo vel clero emendæ sunt vel vendendæ, sed eis pro Evangelii annuntiatione, et pro offici sui labore eodem modo conferendæ.

*Ex decretis Gelasii papæ.*

Quatuor autem tam de redditu quam de oblatione fidelium, prout cuiuslibet ecclesiæ facultas admittit, sicut dudum rationabiliter est decretum, convenientes fieri portiones: Quarum sit una pontificis, altera clericorum, pauperum tertia, quarta fabricis applicanda. De quibus, sicut sacerdotis intererit integrum ministris ecclesiæ memoriam dependere quantitatem, sic cleris ultra delegatam sibi summam nihil insolenter noverit expetendum. Ea vero que ecclesiasticis ædificiis attributa sunt, huic operi veracitor prærogata, locorum doceat instauratio manifesta sanctorum, quia nefas est, si sacris ædibus destitutis, in lucrum suum præsul impendia his designata convertat. Ipsam nihilominus ascriptam pauperibus portionem quamvis divinis rationibus se dispensasse monstraturus etiam videatur, tamen juxta quod scriptum est: *Ut videant opera vestra bona, et glorificant Patrem vestrum qui in celis est* (Matth. v), oportet etiam præsenti testificatione prædicari, et bonæ famæ præconiis non taceri.

*Ex concilio Mogontino, cui præsedid Bonifacius archiepiscopus et martyris auctoritate Zacharia papa, cap. 10.*

Ecclesiæ antiquitus constitutæ, nec decima, nec aliqua possessione priventur, ita ut novis oratoriis tribuantur.

*Ex eodem, cap. 41.*

Quicunque beneficium ecclesiasticum habent, ad tecta ecclesiæ restauranda, vel ipsas ecclesias emendandas omnino adjuvent, et nonam decimam reddant.

*Ex concilio Aquiliensi, cap. 3.*

Ut nulli presbytero in alio loco baptisma liceat celebrare, nisi in eodem loco, ubi semper baptisteria antiquitus fuerunt.

*Ex eodem concilio, cap. 3.*

Decimæ que a fideli populo dantur, in ecclesiis baptismalibus inferantur, et ipsi presbyteri qui in easdem plebes ordinati sunt, cum omni sollicitu-

dine curam habeant de Christianitatis causa populo sibi commisso, et populus suas decimas suis presbyteris offerat, et presbyteri dividant eas in quatuor partes, sicut antiqua Patrum regula continetur, unam sibi, unam clericis, unam pauperibus, unam ad instaurationem seu luminaria vel incensum ecclesiarum : et hoc statuimus, ut predicti presbyteri habeant, juxta suam ecclesiam, aut infra suam cellam locum constitutum, ubi quarta, quam pauperibus dari docuimus inferatur.

*Ex Regesto Leonis papæ quarti.*

*De decimis justo ordine non tantum nobis, sed majoribus, visum est, plebibus, tantum ubi sacro-sancta dantur baptismata, dari debore.*

*Gelasius papa Maximo et Eusebio episcopis.*

Licet regulis contineatur antiquis parochias unicuique ecclesiæ pristina dispositione deputatas, nulla posse ratione convelli, ne per consuetudinem pessimam exempli mali temeritate crescente, ubique universalis confusio nasceretur, jam in decretis nostris ante non multum temporis destinatis, omnia jussimus quæ taliter fuerant invasa restitui. Sed quia temeritas perradentium legem sibi putat posse generari, si sceleri suo pertinaciam retentionis adiungat, ea quæ inter fratrem et coepiscopum nostrum Constantimum Comiscanæ Ecclesiæ sacerdotem, et directos ab Anconitano pontifice decrevimus, per vos impleri cupimus. Tunc formam in ceteris cogitationibus quæ sit sequenda perscripsimus. Nulla igitur præsumptione statum parochiarum qui perpetuae ætatis firmitate duravit, patimur immutari, quia neque negligentia pontificis, neque temporalis abjectio, quæ per incuriam forte generatur, nec ignavia faciente consensu, nec subripiens supplicatione præceptio divellere potest semel diocesim constitutam, ex qua semper ad regenerationem atque consignationem plebs devota consistit.

*Idem Justino archidiacono et Fausto. De rebus ecclesiæ in quatuor partes dividendis.*

Vobis et famæ vestre consultum duximus, ut pontificis vestri loco vobiscum ab eodem aliquis subrogetur, qui ejus nomine pariter universa disponat, quatenus omnia prædia ad vestrum revocetis studium, ne cuiquam clero pro portione sua solum aliquod ecclesiæ putet esse deputandum, ne per incuriam negligentiamque minuatur, sed omnem pensionis suumam ex omnibus prædiis rusticis urbanisque collectam ad antistitem deseratis. Ex qua tamen collectione habeatur ratio, quod ad causas vel expensas accedentium necessitatuum opus esse perspicitur, ut de medio sequestretur, et quartæ portiones vel fidelium oblationes de hac flant modis omnibus pensione, ita ut unam sibi tollat antistes, aliam clericus pro suo iudicio et electione disperiat, tertiam pauperibus sub omnium conscientia faciat erogari : Fabricis vero quod competit ad ordinacionem pontificis erogatione vestrâ decernimus pendendum. Si quid forte ab annua remanebit expensa,

A electo idoneo ab utraque parte custode condatur in thecis, ut si major emerserit fabrica, sint subsidio, quæ diversi temporis diligentia potuerint custodiri, aut certe ematur possessio, quæ utilitates respiciat communes.

*Ex concilio Aureliano, cap. 7*

Omnia quæ Deo offeruntur, consecrata habeantur, in vineis, terris, sylvis, utensilibus, vestimentis, pecoribus et reliquis possessionibus, ut quæ ecclesiæ, sine dubio Christo qui sponsus earum est offeruntur.

*De eadem re. Ex concilio Rothomagensi, cap. 3.*

Omnis decima terræ sive de pomis arborum, sive de frugibus Domini sunt, et illi sanctificantur. Boves et oves et capræ, quæ sub pastoris virga transeunt, B quidquid decimum venerit, sanctificabitur Domino. Non eligetur nec bonum nec malum, nec altero commutabitur. Si quis mutaverit, et quod mutat, et quod mutatum est sanctificabitur Domino, et non redimetur. Sed quia modo multi inveniuntur decimas dare nolentes, statuimus ut, secundum Domini nostri præceptum, admoneantur semel et tertio ; si non emendaverint, analhematis vinculo constraintur, usque ad satisfactionem et emendationem congruam.

*Ex concilio Gaballoniensi, cap. 3.*

Questi sunt præterea quidam fratres quod essent aliqui episcopi et abbates, qui decimas non sinerent dare ad ecclesiæ, ubi illi coloni missas audiunt. Proinde decrevit sacer iste conventus ut episcopi et abbates de agris et vineis, quæ ad suum vel fratrum stipendum habent, decimas ad ecclesiæ deferri faciant; familiae vero ibi dent decimas suas, ubi infantes eorum baptizantur, et ubi per totum anni circulum missas audiunt.

*Ex concilio Toletano, cap. 36.*

De his autem quæ altariis offeruntur, quarta pars fideliter episcopis deferatur, duæ clericis, decimæ autem, secundum quosdam, singulis annis tertia pars, aut in tertio tota. Sed tamen nos sequentes Romanos, singulis annis quartam partem, aut in quarto totam episcopi recipiant.

*Ex concilio Mogontiacensi, cap. 8.*

Quatuor partes juxta canones fieri de fidelium oblationibus debent, ut una sit episcopi, altera clericorum, tercia pauperum, quarta restauracioni ecclesiæ servetur.

*Ex concilio Agrippinensi.*

Item quod decima quæ a fidelibus datur, Dei census nuncupanda est, et ideo ex integro reddenda. Cujus tertia pars secundum canonem Toletanum episcoporum esse debet. Nos vero hac potestate utili nolumus, sed tantum singulis annis quartam partem usu Romanorum pontificum, et observantia sanctæ Ecclesiæ Romanæ de eadem habere volumus. Quod si quis contentiosius inde repertus fuerit, sive clericus sive laicus ille sit communione privabitur, et synodali censura judicabitur.